

1 Tesalonaika

¹ I dere aseṭa, ẹ Pol-né dapó. Sailas-ró, Timotitamokélélẹ̀ dẹ fea betamó bituraalu, diẹ Tesalonaika be hulumó betó mole Keriso so whípaae i dapa wosae. Diẹ Keriso fake Aya Kótóró Tale Yesu Kerisotamoné ala tuamó betepa, Kótóné ama hamokoróló tao sere ala wisinaaleró hosaa muni deyóló mo dua betere alatamo diẹ tuamó mulópóló yae.

Tesalonaika so whi Talepaae tuẹ tiki tiró betepa, Pol-né mo kée yale fo

² Diẹ fea dané kutiri tuamó muó taru, mo kée yóló Talepaae moma dere ala haḷe yó tarapó.

³ Atéró, Aya Kótóné keletómó moma yó tare alata, diaaḷ kisipa tiki tiró betere alané kaarale kutórapekélé, koḷené sukóló yaala sókó fole alané kaarale depe tukó wei alakélé, take nalo waaire sukamó, Tale Yesu Keriso tuamó wisi ala mupa kelaalopóló kisipa mutu, hókélé ini, haḷe eró tare alamókélé, mo kée yóló Talepaae moma du beterapó.

⁴⁻⁵ Kótóné yaala sókó fu betere norape-ó, Talené diẹ fopeyóló sókó suyóló beteró beteretei, dané tuẹrapó. Ti noatepae, mió wosetere kisi fo wisi dané diẹpaae Kótóné fotokotamo yó matepa diẹ woseturaalu, haḷe tó tikiné maaté wosetere ala inipó. Mo bete mole fopóló Dẹi Kepe Wisi diẹ tuamó faayóló sẹreteiné diaaḷ hosaa betemó salepó. Diẹ wisiyóló beterópóló kisipa mutu, dẹ diẹtamó betaletei diẹné ai kisipare ape.

⁶ Atéturaalu, dāpaaekélé, Talepaaekélé, dua yale dowi sekei ala kaae, diāpaaekélé erótua yalepó. Atétepatei, me ọla meipóló hepée taae faróló, Dẹi Kepe Wisiné matere haitere ala mulu, kale fo wisi mo wisiyóló wosetu betalepó.

⁷ Atére ala Masedonia hae kwiaró Akaia hae kwiatamomó Yesupaae kisipa tiróló beterapó dere fo wosetu, atimakélé, atéro betaai dapóló kisipa mualepó.

⁸ Talené ama fo wisi, diā betere tikimó kaayóló, Masedonia hae kwiaró Akaia hae kwiatamopaaekélé yó melaté fóló fakeralepó. Atéturaalu, diā Tale Kótópaae kisipa tiki tiró beterapó dere fo hae kwia feamó betó mole so whiné wosalepó. Atéyaletiné dāné me kae enénipó.

⁹ Ti noatepae, ai be huluamó betó mole so whi diaaọ dā wisiyóló dape sale ala atimanétei mepaae so whipaae yalepó. Diā kapala kótóné ala erótu betaleteti taaróló, ti betere Kótóné ala eraai walepó.

¹⁰ Atéru, ama kepaaróló hepen-mó betero betere Naale wópóló kaae tawóló beterapó dere fokélé so whi feané wosalepó. Ti ai seké Aṭa, Kótóné fopaae buturaalu kwia melaaire ala dāpaae eraosóró, tao su betere whi Yesupó.

2

Pol Tesalonaika be huluamó fo yó maté kwęale fo

¹ Norape-ó, take dā diātamo sawa haḷeke sukamó bitu, eraai wale ala haşókó feni, mo eraletei diaaọ ai kisipare ape.

² Take diaaḡ bepaae waai, Filipai be huluamó betepa erale sekei alaró, halerale alatamo diané kisiparapó. Tépatei, ḡané Aya Kótóné ḡa tao su betepa, halaainé diḡpaae ama fo wisi yó mótu betalepó. Ai ala du beteremó, mepaae whḡrapené ḡa ḡaai ketekeḡ butepatei, wiyóló taaréni, haḡe yó matere ala betḡ du betalepó.

³ Ti noatepae, ḡané diḡpaae du betere bete mole fota, hoḡo ala tuamó kaayóló ini, mopóló diaaḡ sya faasepóló ḡapó. I foné ḡiḡ dilikóló me ḡla saai ó ḡiḡ ḡoraaire kisipa muluraalu dumi, motóró i dere ape.

⁴ Tényi, Kótóné ama fo wisi yó melópóló, ḡa ama foḡeyóló sóró beteró betepa, ama fo wisi ḡané diḡpaae i yó mótu betere ape. ḡané i du betere ala, mo whḡrapené kilitu, wisi ala ḡapóló ḡa ḡukirópóló dumitei, ḡané hosaa tuamó mole ala kaḡae keletere Kótóné kolóló, wisirapó yópóló du beterapó.

⁵ ḡané diḡpaae Kótóné fo yó móturaalu, diané me ḡla ḡla saai ḡapóló fonétei ḡiḡ haḡe mulóló, dilikiniyale ala diaaḡkélé kisipa yóo, Kótónékélé kisipa yóo erapó. Ti noatepae, ḡané du betere ala feata, Kótóné ama kele tómótóró du beterapó.

⁶ Ti ḡané i du betere alata, diaaḡ ó mepaae whḡrapenékélé wosóló ḡa ḡukirópóló dumipó. Ti ḡḡata, Kerisoné ama sóró beteró betere yó matere whḡrape bituraalu, ḡa fiyaaire be ó naaitere ḡla diḡpaae tao sae yaalopóló yaleteti, ḡiḡ sekeḡ yaḡsóró kisipa mutu taaralepó.

⁷ Téturaalu, betḡ soné ama naale senaale awḡa nópóló ḡua bitu dere kaae, ḡa ḡiḡtamo naameiné ḡua beterepó.

⁸ Dạné diạ yaala sókó fole ala mo turó mulu, Kótóné kisi fo wisi yó matere ala maaté ini, diạ tao saai wisi kisipatamo dạné betere betekélé malepó. Ti noatepae, diạ dạné hosaa mo turó mole ne no alée feleteinépó.

⁹ Norape-ó, dạ diạtamo bituraalu yale alarape fea kisipa muae. Kótóné fo wisi yó mótu bitu, mepaae dạné naaire ọla ó be diạpaae maaté seke eraalomeipóló kisipa mutu, dẹtamokélé, dikitamokélé, dạnétei doasi depe tukó wei ala du betaletei diaaọ ai kisipare ape.

¹⁰ Tétu, diạ kisipa tiki tiró betere so whị tuámó dạ betale ala diạnekélé Kótónékélé, kolóló ai kisipare ape. Kótóné ama sóró kae beteró betere whịrapené dere ala yóo, mo donoi ala maaté dere whịrape betóo, me dowi alakélé munire whị betóo, erepó.

¹¹ Ti noatepae, whị betạné ama naale senaale kaae tatu dere kaae, dạné diạ dokọ fea atéro kaae taté fu betalepó.

¹² Até yaletei diạ Kótóné ama tẹtéróló kaae tare alaró ama kae ere ala wisitamo tuámó betaai ape yalepó. Atéru, ai sekéné mo ama so whị sụ beterópóló kisipa mutu, dạné diạ fotokoróló ketekẹ bulatere fo yóo, sekei alané só deraosóró hajratere fo yóo, duraalu, sẹtere ala du betalepó.

¹³ Téturaalu, miókélé Kótópaae mo kée yó tare alata, noa betené meipó. Dạné diạpaae yó matepa, wosetu betale fota, mo whịné fo yó matapóló kisipa muni, Kótóné ama fotóró yó matapóló hosaamó salepó. Ai fota, diạ tuẹ tiki tiró betere so whị tuámó muluraalu, ai fonétei Kótóné ama kisipa mole erótu beterapó.

14 Norape-ó, Judia haemó Yesu Keriso tuámó betere Kótóné fake so whĩpaae erale sekẽi alamó kisipa muae. Ti atimapaee ai erale susupui alata, atima Juda fakenétei eralepó. Atétu yale kaae, diaaọ be whĩnétei, diapaekélé ai alatóro eralepó.

15 Ti ai Juda whĩrapenéta, Tale Yesu Keriso dóo, Kótóné ama kóló whĩrapekélé dóló kemeróo, ðakélé i fo wisi atimapaee yó melaọsóró hókó falóo yalepó. Juda fake mei, kae fake so whĩ mo ti aluyaọsóró Kótóné tao sópóló ðané atimapaee kale fo wisi yó mótu betepatei, atimané sesétu betalepó. Atétere alané so whĩ featamo bóe dóo, Kótókélé fopaae bulóo, yalepó.

16 Atéturaalu, atimané ai du betere dowi ala mo ti muté hutu betepa, Kótóné fopaae buóló kwia melaaı doasi ketekę butu betale ala kemerale wouraalu mo ai melale ape.

Pol ą Tesalonaika so whĩ kęle fenée du betaletei

17 Térapa norape-ó, ðata ðiätamo betámó betaai yalemó, bóe dóló foya yaleteiné ða kae betóo, ðiä kae betóo, ai ere ape. Téretei, ðané ðiä kisipa keteró bitini, haıe kisipa yó tarapó. Téruraalu, ðané ðiä kelenée yóló kisipa mutu, ðiä beterepaae waaire tų kikitu betale sųpó.

18 Ti noatepae, ða ðiä beterepaae waii ðapóló ę Pol-né tų ðekéro kikitu betaletei, Satan-né ða waaire tų seséyalepó.

19-20 Ti noatepae, take waaire alimó wisi ala kelaai ðapóló hajné sukutere beteta, me ọla kae mei, ðiätórótípó. Tale Yesu ą waaire sukamó ða fea ątamo betámó betó muluraalu, noa ala epa kilitu ða hajné sukóló bopé fake yaaloé? Ti atéro hajné

sukóló bopé fake yaaitere alata, diátóró kilitu, doasi doi sóró hajné sukçalopó. Atéró, mepaae ọla wisi saairaalu whị fea sururu yóló foletei, betá folosóró sókó fole whịné topo tao sóró hẹkesené sinitu bopé faketu dere kaae, ẹanékélé diẹ kilitu atei kaae ala yóló, mo kée yaalo ai ape.

3

¹ Téro ẹ Atenis be huluamó betó mulu, diẹ netéró beterérópóló, ẹ whaaliatu betalepó. Tétu, ẹsisi taleyóló ẹamo i Atenis bemó bituraalu, Timoti diẹ beterepaae ai doteyale ape.

² Ẹané no Timoti ẹta, Yesu Kerisoné mió i wosetere kisi fo wisi so whịpaae eróló fakeraté fópóló, ẹtamó betámó bituraalu, Kótóné kutó diratere whịpó. Ti ai sekẹ diẹ beterepaae dotonatereteita, hale meipó. Diią kisipa tiki tiróló beteretei, mió ai wou betere sekẹi alarapené haepaae só deraqsóró ẹ diẹtamó bitu, diẹ fotokọ bulatere ala yópóló ai dotonale ape.

³ Mió ẹ feapaae i erótu betere sekẹi alarape, mené ẹapaae eratepa, beleyópóló Talenétei tukóló muló beteretei diaaọ mo kisiparapó.

⁴ Ti i dere fota kapala mei, ẹ take diẹtamó bituraalu, doasi sekẹi ala mo waalopóló diẹpaae inié? Ai yale fo motóró dokonóturaalu yale alata, diaaọ mo wisiyóló tuẹrapó.

⁵ Atétere betemó, diẹné kisipa tiki tiró betere ala netéréró, ai sekéné kele wópóló ai dotonale ape. Ti noatepaae, kọpaae fópóló dée nalatere sekéné diẹ dée nanóló, ẹané diẹpaae erale alarape hale besekéróló doralemóló whaaliatapa kele wópóló kale sekẹ ai dotonale ape.

Timotiné ene wale fo wosetu, Talepaae mo yaletei

⁶ Téyaletei, Timoti momó ɗa beterepaae fesaae wóló i betere ape. Atéro ama ɗiɗa betere alaró, ɗiɗané tuɗe tiki tiróló yaala sókó fole alatamo du beteropó ene wale fo wosetu, ɗané mo kée du beteropó. Ai seké ɗa mo miótóro ɗa beterepaae sókó wóló i fo yalepó. Betere dokɔ fea ɗiɗané ɗa tuɗe yó taru, wisi kisipa muóló betoo, ɗané ɗiɗa keɗe wolée du betere kaae, diaaɔkélé ɗa keɗe fenée du beteropóló ɗapaae ene wóo, yalepó.

⁷ Norape-ó, ɗiɗa atétu beteropó dere fo wosaleteiné ɗa imó bituraalu, kae kae susupui alaró, sekɛi alatamo wou betepatei, diaaɔ kisipa tiki tiró beteropó, dere fo woseturaalu, ɗané hosaa muni deyóló, mo kée fo du beteropó.

⁸ Ti noatepae, ɗiɗa Talené ala tuɗamó mo diriyóló bitiré waletei, miókélé haɗe betótóro tarapó, dere fo woseturaalu, mo kée yóló ɗakélé haɗné sukutu beteropó.

⁹ ɗa Kótóné keletómó bituraalu, ɗiɗané du betere ala kolóló haɗné sukutere ala mo turó faɗanapó. Atére alamó, Kótópaae mo kée dere fo yaairetei sunipó. Ti noatepae, haɗné sukutere ala ɗa tuɗamó mo sɗuró beteropó.

¹⁰ Diaaɔ tuɗe tiki tiró betere tuɗamó, mepaae yaɗaɗe alarape ɗiɗa tao sóro yó male waai, diki-tamokélé ɗetamokélé ɗané mo dirii moma yó tarapó.

¹¹ Térapa, mió ɗa ɗiɗa beterepaae waaire tuɗa, ɗané Aya Kótóro Tale Yesutamóné alerópóló yae.

¹² ɗané ɗiɗapaae yaala sókó fu dere kaae, diaaɔ

yaala sókó fole alakélé, mo ti faayóló wẹi feleyóló futere kaae yópóló, diasisitei u yó mótu i yó mótu du betae. Téturaalu, mepaae so whĩpaae yaala sókó fole alakélé Talené amatóró erópóló yae.

¹³ Tale Yesuró ama kae beteró betere whĩrapetamo wale sukamó, ðané Aya Kótóné keletómó me ala munipa kilitu, mo ama kae betere so whĩpóló, Kótóné amatei diaaḡ hosaa dirirópóló yae.

4

Kótóné ða betere ala kilitu, ḡ hekeseyópóló etéro betae yóló dere ma fo

¹ Norape-ó, ðané ðiḡpaae kemeróturaalu dere fo i ape. Kótóné keletómó wisirapó yópóló, etéro betae yóló take ðané ðiḡpaae yó mótu betalepó. Ai yale fo mo dapóló diaaḡ wosóló eraté ai wou betere ape. Ḍa fea Tale Yesu tuḡmó bitu, ai du betere alatóró fakerae yóló, mió ðané ðiḡ ketekḡ bulatere fo i dere ape.

² Ti noa betené meipó. Tale Yesuné fea ala amatóró sũmó tḡteróló kaae taru, ðapaae erae depa, ðanémo ðiḡpaae i ala yae yóló, yó mótu betale forape diaaḡ ai tuḡre ape.

³ Atéreteiné, ðiḡ fea dowi ala mo betakélé muni, mo kae so whĩ beterópóló Kótóné ama kisipa mutu beterapó. Térené, whĩné so ḡlémi nokole alakélé, soné whĩ ḡlémi nokole alakélé, ðiḡpaae yaḡse yóló dapó.

⁴ Térapa, ðiḡané kisipa tiki séle séle wisiyóló tḡteróló kaae tare ala mo so whĩnékélé, Kótónékélé

kilituraalu, mo kae betero betere so whi betera-
apolo dukirapolo diane to tiki diaaotei wisiyolo
kae tawae.

⁵ Koto tueni, mo hale betere so whine, au nolo
qlimi naairaalu ekele dere ala kae yaose.

⁶ Ti atero qlimi nuku betere alata, me whine
kelaalomeipolo kinolo naao no qlimi no matere
ala mo yaose. Atei dowi ala deremo, Talene doasi
kwia melaalopo. Teyasoro, atei kae ala momoko
yaose yolo, take dane dia kiswa mulolo ma fo ai
yale ape.

⁷ Ti noatepae, wisi alaro dowi alatamo
hosekeyolo beteraapolo Kotoné da a beterepae
ape fo ini, mo ama kae so whi beteraapolo ape
yalepo.

⁸ Tera, whi me denetamo i du betere ma fo
woseni nisiyolo horotu betepa, ti mo whine dere fo
horotumitei, dia Dei Kepe Wisi motu betere Kotoné
fotei horotu beterao.

⁹ Tero, diaa mo notamo dere kae hekesene
sinolo yaala soko fu betere ala yopolo, Kotonetei yo
male ala diane kisiparapo. Atene dane diapae
me noa fo kae ase yaalomeipo.

¹⁰ Ti aita, mo dapó. Masedonia hae kwiamó
betó mole Keriso norapepae diaa yaala soko fu
beterao. Tepatei, ai ala mo ti fakerae yolo dane
dia keteké bulatere fo i dere ape.

¹¹⁻¹² Diaa betere dokó du betere ala fea mo hale
betere whirapene kilituraalu, atimane i du betere
alata, mo wisirapo fo yopolo yae. Diaa yayatu
betere ola me whine melopolopo yolo dekeyolo
hale bitini, dia mo dua bitu kae depe tukó wei ala
du betae. Dane diapae yae yolo, yo male alatoroti

sya fóló mené yaaire alamó kisipa muni, diaaọ yaaire ala betą kisipa muóló du betae.

Tale wouraalu yaaire alamó ere fo

¹³ Norape-ó, sukąle so whị atima neté yaalorópó yóló, kọlọ kọlọ du betaqsóró, diąpaae i dapa wosae. Take waaire alimó mo wisi ala kelaalopó yóló kisipa muóló, hajné sukutu betae. Mo so whị ai ala kisipa muniru, doa dekené sini molótu dere kaae, diaaọkélé yaqsóró kisipa mutu dapó. Ti atimané wole dere alata, ama kaepó.

¹⁴ Yesu mo ti sukąletei, momó kepaayóló beter-apó dere fo dané woseturaalu, tuẹ tiki tiró beter-apó. Atéreteiné, mepaae Yesuné ala tuámó betepa, sukutere so whịkélé, Yesutamo betámó Kótóné dapesó waalopó ere fomó dą kisipa tiki tiró beter-apó.

¹⁵ Talené dąpaae i ala eraalopóló ere fo danémo diąpaae i dapa wosae. Tale waaire be de teópatei, sinale so whị taaróló, dą sukuni hąle betó mole so whịrapepi folosóró faalomeipó.

¹⁶ Ti noatepae, Tale ątóróti ó hepen be taaróló dorowouraalu, i ala yae yóló fo fakeyóló yóo, doasi topo *ensel*-né fo yóo, Kótóné ukulumó wuti haletere ala yóo, yaalopó. Ai ala deremó, Keriso beteró sinale so whịpi turukó holaalo ai ape.

¹⁷ Atéyale sisópaae ti dą sukuni hąle betó mole so whị tokó sóró, sąko tuámó atima sinale so whítamo hokolaayóló, fea touyóló huturaalu, hąle tó tuámómo Taletamo hokolaa yaalopó. Atéro holóló, suka fea dą Taletamo betámó mo titóró betó tawaalopó.

¹⁸ Atéyaalopa, i dere foné, diạ fotokọ butere ala yópóló diạsisitei u yó mótu i yó mótu du betae.

5

¹⁻² Térapa, norape-ó, waaire ali ó be dẹrape diạné kisipa inipapakó, ẹ́nẹ́ diạpaae aseyaalomeipó. Ti noatepae, Tale waaire be dẹta, dikitamo ọ́lẹ́mi nokole whị woutere kaae yóló waairetei, diaaọ mo diriyóló ai tuẹre ape.

³ Mo so whịné duraalu, “Dạpaae me ala eraalomei, mo dua betepapó,” fo du betepatei, betạ soné naale saai, sisó nukutere kaae, atimapaekélé eraalopó. Téturaalu, be ọ́la ọ́la doratere ala mo hapale tétítóró sókó wóló, kilita eraalo ai ape. Atéyaaire alata, mo haşókó faalomeipó.

⁴ Téyaalotei, norape-ó, diạ diliki dolomó mokọleyaayóló betepapakó, ọ́lẹ́mi nokole whị sókó walemó me whị kilita sókó fu dere kaae, diạ atéró kilita sókó faalomeipó.

⁵ Diạ feata, dẹró sukatamo tuámó betó mole so whị ai betere ape. Dẹta, dikitamo ó diliki dolomó betere so whị meipó.

⁶ Térapa, dẹ́ mepaae noke fire whị kaae fió muni, kele diriyóló betere so whịtóró bitu, ẹ́nẹ́tei dẹ́ betere bete mo hotowaró kaae tanérapó.

⁷ Ti noatepae, atima dikitamo noke fitere so whịta, ti fitua yóo, topo dotere wẹ́i nokole so whịkélé dilikitamo nóló topo doyóló họko bitua yóo, dapó.

⁸ Dẹta, dẹ́tamo betere so whịpa, dẹ́ betere bete ẹ́nẹ́tei hotowayóló kaae tawóló bitiépe. Téturaalu, bóe daai kuti wase su dere kaae, kisipa tiki tiró betere alaró yaala sókó fole alatamo atéró sóró

betaalopó. Talené dą aluyaqsóró tao saaire alamó tuę muturaalu hajné sukutere alata, bóe daai der- atere dirii topo tao kaae deróló betenérapó.

⁹ Ti noatepae, dą so whıta, Kótó ą fopaae bu- turaalu, kwia melóló susupu eraai dapóló, sóró beterénitei, Tale Yesu Keriso tuąmó betepa, tao sóró wisiraaı kisipa mutu sóró beteralepó.

¹⁰ Dą tao saai ą sukąleteita, dą mo betere so whı ó sukąle so whıkélé fea ątamo betąmó beterópóló kisipa mutu, yalepó.

¹¹ Térapa, mió diąné ai du betere alatóró hąle yó taruraalu, dią Talené ala tuąmó mo dirii Keriso so whı betaasepóló, diąsisi u tao su i tao su yóló, ketekę bulatere alakélé mo ti deté fu betae.

Mo kemeróturaalu i alarape yae yóló dere ma fo

¹² Norape-ó, Talené ala tuąmó bitu, dią tẹteróló kaae taruraalu, depe tukó wei kutó ditu betere whırapené dere ma fo wosóló, atima aqmó sukóló betae yóló i dere ape.

¹³ Térapa, atima ai kutó ditu betereteimó, dią yaala sókó furaalu, atimané doi sóró horótu betae. Atéru, diaaq no netamo hosaa muni deyóló dua betó muae.

¹⁴ Norape-ó, mepaae kutó dini, dekaýóló hąle betere so whıpaae dirii ma fo yóo, hąsókó fole ala yaqsóró witu, fo tekeni kekóló fi betere so whı tao sóró ketekę bulóo, fotokọ buni, bére so whı tao sóo, yae. Tétu, mepaae so whı hąsókó fole ala depa, hapale foné só deréni, dua kaae taté fóo, mepaae dere ala so whı feapaae eróo dua yae.

¹⁵ Téturaalu, mepaae so whıné yąpaae me dowi ala eratepa, naaomo ąpaae tokó matere ala

momókó yaq̄se. Téní, suka fea dīsisitei wisi ala yó taru, u tao su i tao su dere ala, mepaae hāle betó mole so wh̄ipaaekélé eraté fu betae.

16-18 Kae kae noa kaae ala dī tūpaae eratepakélé taaréni, hāiné sukutere alakélé, momatere alakélé, Talepaae mo kée dere fokélé hāle yó tawae. Ti noatepae, Kótóné ama kisipané dī fea Yesu Keriso tūamó bitu, ai alarape yópóló kisipa mulapó.

19-20 Kale Dēi Kepe Wisiné dó tare si surukó faréni yóo, Kótóné kóló wh̄irapené so wh̄ipaae yó matere fo bete munire ɔ̄la aqróló faleyoó du betaq̄se.

21 Ai dere fo fea wisirémóló k̄aae kolóló, taleyóló mo bete mole fo maaté wosóló eró tawae.

22 Ai du betere kae kae dowi alané dī só de-raqsórópa, hotowayóló kaae taruraalu, woleyóló betae.

23 Tétu, hosaa muni deyóló dua betere ala eratere Tale Kótóné amatei, diaaɔ̄ betere ala mo turó wisiróló, mo kae betere so wh̄i beterópóló yae. Ti atétere alata, diaaɔ̄ kepekélé, asoró mo tikitamokélé, mo turó me dowi alatamo hosekényi, mo donoi so wh̄i bitiré fóló, dā t̄eteróló kaae tare wh̄i Yesu Keriso wale alimó sókó fópóló yae.

24 Dīpaae ape du betere sekényi ama dīamó eraalopó du betere ala hāsókó feni, mo eraalo ai ape.

25-26 No nerape-ó, Talené dā tao sópóló, momatere ala du betae. Aimó betó mole no nerapepaae k̄oleó duraalu, dowi ala mo betakélé munire so wh̄iné apuóló kóló tukó nokole ala du betae.

²⁷ I asęta, ai be huluamó betó mole Keriso no nerape feané wosópóló, dosąayae yóló Talené keletómó, yalo diąpaae i dere ape.

²⁸ Dą tęteróló kaae tare whi Yesu Kerisoné hamokoróló hąle tao sere ala wisi dią tuąmó mulópóló yae.

Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Mar 2025 from source files dated 31 Aug 2023

0102a9df-173c-5a64-b766-14ab67a86105